

五十四頁取後詩

かけうり 十人をデッカナン	退我家起かけ、四十二	三十八月非時食我いた三七八	魔境智泉之上いいこと三四十七	動人為頭三十七	维传念处行道/	福惡選事三十三	律中要務 五十二	十九頁等通之人骨宜即	十八頁世出世事志思	十六百 軍九行 二十六	孟勸汝咬釘嘴錯信得西方及十三百
					為州者と記九	人情	洁门囊相~~~~~	田地	ニナと	三十六百人永明大師勘衛大師三十六	負

寒 笳 集 又名蕅益大師警訓略錄

為覈纂題曰蕅益大師警訓略錄今復改集并存二名挈錄之意唯 以自惕故於嘉言多有闕遺後之賢者幸為增訂焉於時後二十二 壬戌之歲嘗依靈峯宗論摭寫警訓一卷顏日寒笳集辛未仲秋又 晉水瓔珞院沙門善臂 集

願文

年歲次癸酉四月學南山律於禾山萬壽巖

成淨滿尊或因淨尸羅嚴淨諸佛土或因别解脱作獨覺聲聞或因善戒 尼藏毗尼若住世正法永不滅行成果斯尅教不屬空言或因持戒力速 稽首大慈悲救護末劫者我念末劫苦破戒為第一我思救苦方無越毗 9

說差別究竟歸一乘如是勝妙法願為我昭明普度長夜中無依無怙 力生禪及天道亦作人中勝福樂好名稱如是差别果皆由戒所得近果、

略下

法語

忽心一言有益於己便應著眼銘心以深廣心治將就心期待誓同先哲 幣應以猛切心治姑待心常念時不待人一蹉便成百蹉以殷重心治輕上

流俗知見不可入道我慢習氣不可求道未會先會不可語道宴安怠惰 舉措莫類時流三若缺一學道難矣

0

棄教參禪不可得道依文解義不可會道欲速喜近不可悟道隔小於大 不 可 ②學道顧是惜非不可謀道自信己意不可問道捨動求静、 不 可 養道、

典型博通古今特達勇鋭深心無極誓窮法海源底之、其義相反、可知。 將就苟且不可修道得少為足不可證道 夫比丘者體預僧寶之尊職紹佛法之釐須超羣拔俗迥脱流俗知見方 乃真實男子出世丈夫 捍勞親近知識觸處體會以教印心廣大悠久事理雙備棲神淨域履蹈 不可見道執穢為淨不可知道厭常喜新不可趨道樂簡畏繁不可明道、 惟超羣拔俗謙己虚心忍苦

有出格見地方有千古品格有千古品格方有超方學問有超方學問方 卻人身苦中之苦人間五十年四王天一晝夜有何實法可戀若不急尋 無愧厥名儻故轍不改則一舉一 有蓋世文章今文章學問不從立品格始品格不從開見地始是之楚而 要寧唯一錯百錯塵沙劫數未有了期血性漢子能勿悚然在念乎 動罪案如此一旦業風吹去袈裟下失

北 其轅也嗚呼習俗移人賢智不免扭一時耳目忘曠劫因緣 非 以 理奪

生萬劫何期便將是非人我體面界牆身見慢幢愛染情性全體放下不。 頓 習氣不除無出生死分然習氣熏染非一朝一夕之故不痛加錐 華 以性違習安能洞開見地使文章事業一以貫之也哉 須猛念身世無常幻緣虚假人道難生佛乘難遇失此不求度脱 拶 何

本發 復躊躇將如來出世要法徹底承當愛樂受持精勤趨向自然福慧增長 日 ^略今時釋子只圖作宗法律師設無出頭一著雖頓超佛地者亦不 1造深 心原非為菩提大道曠劫遠猷故一受戒兢兢鉢杖表 為事一參禪念念機鋒是務至應期禁足閉關等皆百 相。 聽 講、 顧矣。 孜

世公案本分事千萬重矣彼於微妙佛道僅從經本上依稀聞解未嘗親

年活

孜

消

文

或被名利改節雖云漸變初心仍是因中夾帶不可不慎思而痛勵也 自稱天王未嘗以佛祖自期也間有發勝志者不能到底唯為菩提一事 不下雖學成語陵駕佛祖實一時高興或初生牛犢不畏虎或童豎戲劇。 知灼見終屬半信半疑於眼前活計未嘗諦觀三界空苦無常終覺放他

悲智相應名菩提心發此心已方得無作戒又須二六時常自省察念念 。 收徒衆如無相好佛無明業識不斷俱為自誑自欺略 纏繞縱透盡千七百公案講盡三乘十二分教興崇梵刹如給孤獨園廣 監備名關未破利鎖未開藉言弘法利生止是眼前活計一點偷心萬劫上

障能敗戒德使信心退没一瞋恚横於自他而生惱害二我慢於諸僧寶 相 而生輕忽三懈怠於諸妙法不肯學習三法有一牽人惡道忘失信心 應、 即念念成佛稍不合便於菩薩戒得失意罪在慎思而力行之有三

若的確求出生死證菩提先將近時禪講流弊盡情識破自己從來杜

撰。 證儻非黄卷赤牘作標月指示真實修行出要何由得證勝義 討究佛法第一要務諸佛所師所謂法也况弟子乎雖勝義法性貴 宜苦境鍊之人我山高者逆緣挫之體面心重者忍辱治之略 種。 種。 順情境界盡情看作毒藥毒箭 主義盡情放捨軟煖習氣盡情打掃乾淨夢幻身命盡情拌得拋得種 惡逆境界盡情看作真實受益之處名利聲色飲食衣服讚譽供養種 略又身見重者宜苦行消之貪愛強者

教 魔 亦 出 年 家求出生死不知正法求昇反墜故不留心教典饒勇猛精進定成 同舉子業博名利於半生者乎一歷耳根永為道種大士所以捨全 脅尊八十出家**晝觀三藏夜習禪思乃有濟有謬云年少力強宜** 衰力弱 只堪念佛豈年 少不必念佛年老不 可 習 教。 將 謂 試觀外道 如 來 在 習

線 祇、 **本次留心台教深** 稔。 行 體 不。 身 明 此 有 次第 知佛世芳規深鍊為僧要務次 求 如 索、 次 法 方不受説食數寶 知。 義集要全部中莫謂此小乘法不足久久留心當捨之别參上散見於毘尼事莫謂此小乘法不足久久留心當捨之别參上 恆。 半偈 界匙鑰徧 來說法本意 須 沙世界無量劫中妙法名字不可得 誦、 今人空腹高 細 也今佛法 尋之。 次 根本、 無執 開 法流布 要人 次 不 知 之前。 思議 心, 五 如來說法 超 非 分、 但 生脱 次 圖 賴 餘 經論之鎖 及善 亦 圓 泇 I 頓之名 2 學問 死非為 葉 所 無 閱 見 猶 阿 以 之道 勢如破竹矣 然之妙及四 難 毗 四 豫 尼 阿 無力飲河詎 兩 口 含了 貴 祖 耳 楹、 母等諸家傳受 活 計。 而聞。 徹 在 下 得意 Ė 學 底 也。 悉檀 |因緣境: Ě 句 悲 善用。 達、 能 句 示閱 心人皆視作等 消 閱 巧 所 吞 不同 為 藏 律、 被 海 歸 大 以 之致然後 必先閱律 自心。 一乘是末世癡 意 首 圓妙 如 四 各 如 四分次僧 來 則。)如説 有 問 施 一觀 閒。 辯 教 源 藏、 將 必 修 須 殊 委 所

0

擇 出 摩尼 要語 邪慢惡見牽人墮惡道深坑不可信也 · 見 諦。 只此成錄足驗手眼 期自利利 然各就習氣 他 如 雪 所重對治所宜或隨時弊不 山 無非藥採者期於對病寶山無非寶 大 小 經律論 同 救 **X**拯有異 雖字字 取之先 不 妨 明 摘

放。 動8 萬 捏 無 靈、 真 仔 法 作。 主縱令共合那有實法。 亦 亂 細 本 華發生更欲分别 推 冤 融由迷情執 求塵既不居其咎根亦豈職其愆識寧獨當其罪 屈六塵境界詎思六塵 超。 方。 特達之觀譬 而成礙: 華 如。 相 而於此虚妄法中著我著人分取分捨 如 為。 妍 指能蔽山岳 天下者不顧家則智眼昭明一 非能惑人人自妄惑。 醜 大小。 不 益 惑乎惟將 認温 必遺 根 身心 大海。 根 三科分 幻 世。 馳。 不 界全體 惟 切。 識 猶 析 識 埋 紛 没 如 既

無。

非真實受用處矣

0

夫幻境侵奪不惟順流俗而俱化也即厭流俗而切思遠離亦名侵奪

資。 糧。 趨 欲 夜之企送以悲迷故起無作二誓欲拔性德之苦以了性故起無作二誓 與性德之樂發此心已則一切不如法境界觸目警心無非助發菩薩 無上菩提者不得隨順幻境亦不得厭離幻境但了幻境即法性悲長 切境界全是無明變現無明變現之性全即法性由不達故横生欣 起信論云菩薩見法欲滅護正法故發菩提心有見衆生苦而發菩

提心正謂此也

0 惟恐不濃出 奮發之心人皆有之不能不藉於外緣羞惡之心人皆有之不能不归於 氣盡情放下放至無可放處淡性自得現前淡性既現三界津津有味境 習嗚呼善友罕逢惡緣偏盛非咬釘嚼鐵刻骨鏤心何以自拔哉世法 世法惟恐不淡 略欲深入淡字法門須 將 無 始 虚 妄 濃 厚

界如嚼蠟矣僧夢虎驚寤喜曰匪夢幾被虎食既悔曰知是夢何不做

出 誠 心 所 何被此虚妄形質所局虚妄形質生必有滅千般保愛不能令其不 其志毋循將就苟且塗轍汰奢窒欲積行存誠惜福 世 他為的發一言不足自利利他勿言也舉一步作一念不足自利利他 辦道、 、情噫可醒三界之戀幻質不知淡性者矣 作幻業如影隨形從劫至劫不肯相離豪傑之士先須覷空身形 静 事 世。 過 丈夫以佛 假借四大所成心亦無相不 坐默思只此 虚幻人命無常當擴其眼界勁其神處苦其身毋墮宴安鴆毒坑策 兼律兼教助顯心源但得悟心萬法何有萬法俱息萬法俱備矣 祖自期以四弘為券以六度萬行為家常茶飯以自利利 現前 一念見聞之性本非內外方隅亦 過因於情塵妄見生滅便頓捨情塵 延壽 非有無情量。 以期 於大成爾 非 朽。 勿 而 云

舉也勿念也事苟益身心裨法化必黽勉為之雖劬勞困苦勿恤 也否雖

有浮名幻利弗屑也

花。獨 人能痛念生死事大覷破一 人非步趨先聖先賢不隨時流上下庶幾信心日固智慧日開而生 一念持戒禮懺篤信三寶之心生與同生死與同死而又專求已過 切世情若順若逆總虚妄不實過眼便是空

聽法須觀心書寫須解義然解義正不必強加穿鑿亦不徒循章摘句但

死可永脱耳

緣因既深一十二千七百無不一串穿卻也得此消息便知吾言不誣 至誠讀誦展卷如對活佛收卷如在目前千徧萬徧淪骨狹髓寤寐不忘 不下形

所以放不下者祇不曾徹見生死之苦以從來為俗為僧皆向順境中捱

世

人談及生死鮮不悚慮往往不能真為生死者眼前活計放

生 過故畏三界心自然發得不真切儻以遠大慧眼曠觀無始輪、 果從 何來、 死後當至何趣前際茫茫後際墨墨饒鐵 石心 腸 必為 迴痛 念 此

昏暗或為世味所牽或為 後 依 正 教、 開 圓 解、 起 圓 邪師偽法所誤袈裟下失卻人身此予所 · 行敢保十人有五 雙到 家最懼因地不真道 驚怖。 眼。

虚 具參方志尤須具參方眼具參方眼還須不忘參方志 仰。 方 名圖 時流而寤寐永歎也 相 眼 者末 應大菩提相應眼前活計不相應者則為 體 世師匠邪正難分今自卓立不論宗教 面、 博 不忘參方志者 知 半 ·見發無上大菩提 菩提雖 心徧 正反此 學 但與 切 明、 法 則 出 門無 為 生 參方志者 邪 死 相 厭 正 應名利 則依。 無 足。參 愛。 不 邪

則

具

眼

本 求

無上

邪

IE 分

不

妄

生

憎

善

要緊事

其

師、

不善吾資

.但隨緣觸境增長道心智眼而已此本分中最

0

餘叢 林粥飯習氣萬萬不宜沾染亦不必厭惡也

超 福 口(6) 自心時時警策自心將定盤星認得清楚明白然後看經 可 以麤 必 生 如眼目未明存心未篤則看經 成魔家伴侶縱福慧雙修教觀並進而我心未忘能所日熾其為 脱 疎領會先須專求己過無責人非見賢思齊見惡內省法法 死法門不可 以聰明湊泊不可以意氣承當不可以情 必墮口耳活計坐禪 必墮暗證深坑營 可坐禪 見夾雜不 可營福 消

羅眷

勝 履三。 魂 無侶生平惡業無不隨身何不趁早放下幻夢塵勞勤修戒定智慧息 求 如 此。 來世作燒火僧不可得 人生幾何。 少壯忽老老忽烏有且盛 而 聽 經白鴿轉身為戒環禪師聞 年 ·夭横 者 無 數。 息才 法 福 功 五 徳超 斷 十餘 孤

心 達 本源乃號為沙門不然堂堂僧相多劫勤修而得之一旦藐視而失

之能無憬哉

定慧 死用之佛法吾見散亂豔喜愚癡特迦大事已辦 亦為無上菩提而作種子且幼時詩字亦向不得味中來安知佛法漸熏 每見人冗中偷閒吟詩習字作種種清課豈不能偷閒玩 於現身得受用耶嗟嗟人之精神用之詩字吾見右軍李杜不出 耶彼於詩字得 少幻味未嘗於大乘定慧得真法味也然縱不得味 大乘息心學

發心應學二事一智慧二慈悲方便 欲學智慧莫若讀誦大乘方等經

0

典、深 定當作佛見僧俗造惡者勿生輕慢須憐憫愛念種種善巧而迴護接引 討 究 決擇、 解義趣隨文人觀不墮嚼木之譏不招數寶之誚又數近 不可師心自是 欲學慈悲方便須深信一 切衆 生皆有 明師 佛 良

聞者自解義慢愚魯者自觀心慢口說者人我山高勝負情重畢生勤苦 止成修羅法界去菩薩道遠矣 儻恃己修見不修行便生忽慢自持戒慢破戒者自讀誦大乘慢無

C |界之中無非牢獄暫時快樂終歸無常衆生 工燕雀處堂 罕思出離 惟逆

精 佛法之衰也名利熏心簧鼓為事求一真操實履者殆不可得 境當前庶幾生遠離之心故佛稱八苦為八師非虚語也 非持戒讀誦何處得有道眼今講家多忽律行禪門并廢教典門庭愈 進 讀誦大乘不馳世務縱道眼未開亦三世諸佛所歎許也况了 略下 有能

必藉

持戒

0

不被時流籠罩者堪立千古品格品立則志成志成才得其所用矣末世 不 難有才難有念不難有志難有品不難有品難有眼惟具超方眼

高

邪見益甚

0 佛知佛見無他衆生現前一念心性而已現前一念心性本不在內外中 吾勸 娑婆苦深求出離當知彼是真愚癡此乃大智慧好惡易分莫自昧也 切 法。 身相六塵緣影為自心相身心二妄既消不真何待然後以此 小哉莫大於現前 競 極 也 未瞥使百年活計縈懷眼下虚名感認吾恐天真日滴負美才好志不淺 萬修萬人去但得見彌陀何愁不開悟此千古定案汝不須疑 .聰明人反被聰明誤所以不能念佛求生西方而愚人女子反肯心厭 逐枝葉罕達本源誰知朝華易落松柏難彫才志之士奈何甘捨大從 汝咬釘嚼鐵信得西方及切切發願持戒修福以資助之無禪有淨 俾盡淨虛融無塵影垢習可得還淳復素道風豎窮横徧矣但一念 一念誠能直下觀察知其無性則决不妄認四大為 真解、

歷

悟徹依然擔板漢 如 然驀地信去所謂更以異方便助顯第一義也略偈曰衆生知見佛知見 别 不 便成衆生知見若仔細觀此衆生知見仍不在內外中間諸處不屬三世 水 起疑情更不必錯下承當只深心持戒念佛果持得清淨念得親切自 墮 非三世所攝非四句可得只不肯諦審諦觀妄認六塵緣影為自心相 結冰冰還泮戒力春風佛日暉黄河坼聲震兩岸切莫癡狂向外求 四句則衆生知見當體元即佛知佛見矣儻不能直下信入亦不必

也初隨喜品 乘之本立矣然後以實相印之法法皆歸佛道古有行之常不輕菩薩 尅除習氣莫若三業行慈三業行慈則無十過十過既除十善斯在而五 不然學問愈多我慢愈熾習氣愈長去道愈遠惟益多聞增長我見可 便淨六根何俟誦説方名深觀果能 以慈修業 白能 善 人 佛 是

懼[。] 也

自持 學道 世 |情淡一分佛法自有一分得力。娑婆活計輕一分生西方便有一 此 作事不難敏達難於深忍研義不難領解難於精確 事 不難伶俐難於慎重發心不難勇鋭難於堅久涉世 祇 問 心不 必問 知識 世 知識亦勸淡世情輕活計專修 不難矯俗難 出 要耳。 一分。穩

·能扭作一句况下者乎 頭低、 二頭 必昂。 雖巧識 強捻 不得腰纏十萬貫騎鶴 上揚 州漢武

@ 後 地。 世 。。 **6、以之自成則為淨滿自尊以之成物則為慈力悲仰儻一以之自成則為淨滿自尊以之成物則為慈力悲仰儻一 萬。 生小不能忍大謀斯亂况今刀兵劫濁不過積恚所招世局土崩。。 出 .物皆歸我春風和氣之中情養乖戾妖孽皆消於光天化日之下: 世事莫不成於慈忍敗於忿躁故君子 以慈育德 以忍養情德育天 念瞋起百萬

障

惟達 學道之人骨宜剛氣宜柔志宜大膽宜 遠 拘 前局面學道須明塵劫遠猷塵劫遠猷不離眼前 為果能自利利他世共非之弗敢怨是謂學道亦真學好者矣。 慮 可 戀然後觀同體積迷興無緣弘誓苟不足自利利他者舉世趨之弗 士直觀眼前 與學好不同 所致。 士生斯世宜何如努 .學好 一刹 祇得世間虚名學道貴得出世實益學好 那 性非生滅無去來了 力以障 狂瀾也。

不可得安有身世

一自他

而戀卻眼前

頓

味塵

只顧

0 意 可坐享檀施十二時恆簡點身口意業善多耶惡多耶無記多耶堪消 逐 隊。 勿抑鬱失措作福 宜 遠思宜近事上宜虔接下宜謙處同輩宜退讓得意勿恣意奢侈失 衣 取 蔽形莫貪齊整食 莫如惜福 取 克餒莫嗜美味嘗省 悔過莫如寡 小心宜虚言宜實慧宜增 過應念身世苦空切莫 此世前· 生作作 何功 福宜惜。 隨 四。

耶、 堪。 耶 如 此慚愧覺悟修省自然習氣漸消智光漸露。 矣。 祖意佛意顯

於 念清 淨 心 中

害心益甚學人益盛正法益衰吾所以每一念及未嘗不夢寐痛哭者也 不 不忘僅成三塗魔羅種 云大菩提心尤不信也勝負情見不忘僅成阿修羅法界名利眷屬意念 略上 "嗟嗟 達 如 來說法旨趣不 不與菩提大心相應云代佛揚化吾不信也不與為生死心相應 子隨其 ·知種 種 所見 四悉 |因緣僅成 所聞 而 起法執 凡 外 戲論窠窟。 不能 捨棄· 學問益多 名言習氣

學道。 古、 猶 無品格 貴有品格有識量而文字記問不與焉有品格無識量 也有識量無品格 不足 砥 柱 中 流、 猶 無識量 也品品 不足曠超 格 識 量 既

則 便堪證沙門果發無礙辯。 不 被 眼前活計 所局時流習氣 况本解文義者哉嗚呼法門之衰至今日 所遷縱鈍若般陀而 拂塵除 垢 四字

義

熟

不忍言矣剝必復否必泰若要梅花香撲鼻還他徹骨一番寒豪傑之士

絡繹 故 壽者福之本也福者慧之基也念念思警策者慧之萌而福與壽之源也 薙 災梨殺青無虚日嗣子皆才華名世美丰神座下戒子鉢杖圍繞數十匝 持法門為志及察其所謂扶持者不過曰開叢林建梵刹攢指五千一萬 法門之衰已非一日而致衰之故由因地不真今人發心參學罔不以扶 宜何如動心忍性以無負己靈也 何 而 日常想病時則塵 佛祖真命脈遂為此等人埋没殆盡五霸者三王之罪人諒哉 度徒衆環里市而處如錯毫乃至紫綬金魚乘高車肥馬往來山林間 我相可恃五欲可貪有何名可戀古董之可攜去不恃我相我見伏矣。 不絕而已故下手時便從世諦流布中著眼便向門庭施設處安排。 心漸減常想死時則道念自生夫病死正現前時、 有

越分 視緇素靈蠢無一非未來佛既所見無非未來佛則凡可以供養恭敬未 不貪五欲煩惱降矣不戀虚名體面可放下矣知古董之不可攜去則 以求之縱先有者亦可捨之以作福矣苟能離 我 我 所 見執 煩 惱、

壽 來佛者無弗為也凡可以損惱忤觸未來佛者無弗止也如 不永某舌當墮落儻不能 一切時念未來佛則不能一 切時積集福 此 而 福 不增、

福慧不積雖僥倖活至百年亦終與草木同腐而 E₆

勿貪世間文字詩詞而礙正法勿逐慳貪嫉妒我慢鄙覆習氣而自毀

·見有我則我無能外不見有人則人無過一味癡呆深自慚愧劣

9

內不。

略下

智慢心痛自改革下

22

則。

捨 如 行故晚用藥石不用粥飯德山 祖位者不遵戒而為人授戒、從上諸祖亦為人授戒否。答祖有三類一者嚴淨毘尼弘範又今紹祖位者例輕律學、從上諸祖亦輕視否。又今紹答,若非、何紹祖位。若是、何不遵律。座披衣、所做做者、無非此等。今還許從上諸祖是真比丘否。若非、何紹祖位。若是、何不遵律。至於揚化接人、則以一棒一喝、為拈提向上。俱與律學不相應。好心出家之流、由行脚人山、至登下、則以三條篾、一把鋤、為清淨自活。逮其匡徒領衆、則以一日不作、一日不食、為真實芳規。 三界如遠公智者左谿永嘉荆溪大梅永明高峯中峯楚石等是也古今 微 此 細戒住静則 知識亦甚衆多所應景仰倣傚二者丁兹末世勢不獲已遵佛遺命 刀耕 地 火 種 領衆則墾土開田然非 托鉢亦因視影 而此等知識便不肯為人 時 踪跡彰著。 食等諸 戒 仍自

乘急戒緩然亦護根本五戒斷無毀重之彈而決不敢自稱比丘輕視律

得

則習

講參禪但捨微細戒不捨重戒及性戒

也復有逕投禪教者

此即

所

以唐宋

以來有禪講律寺

初出家多學律

律有

得則

以律名家

無

若輕律者定屬邪見非宗匠也

9 普説

0 雜食脅不著席四十餘年猶 當敬如佛待以師禮 法格之僅稱剃髮居士何敢當比丘名問設有如法比丘師何以視之答 今何 單 學。 丘法必不得已則授五戒法耳嗟乎從上諸祖敬視律學如此豈敢輕之。 提 但愧未能以為慚德至出世接人或重登戒品性遮皆淨如六祖等或 向 耕種芸養答式我輩祇悟佛心堪傳祖意指示當機令識心性耳正 上獨接 一機如壽昌等人問壽昌佛制比丘不得 非不為也實未能也又紫柏大師 以未能持微細戒終不敢為人授沙彌及比 生平一 掘 地 粥一 損 《傷草木

飯 無

苦然猶未肯猛省發心此與燕雀處堂何異且如今夜臘月三十古人以 劫。 禪營福必皆墮三惡趣故智者大師云為利名發菩提心是三塗因毫釐 律 亦 喻 中 有差天地懸隔錯認定盤星醍醐成毒藥今受戒聽經參禪營福之士 經聽經亦 [諸仁者出生死事大不容易某二十四歲出家真為生死大事真不著 來、 師、 大命盡時何等迫切今人且歡呼茶飲曾不思百歲光陰尚存幾許 亦 必悟道專修一法亦悟道互相助成亦悟道以因地真正故也若想做 頭出頭没枉受多少辛酸即今幸得人多幸成僧相亦經過多 受戒想做法師聽經想做宗師參禪想有權勢營福則受戒聽經參 説 真為 生死心中 必悟道真為生死參禪參禪亦必悟道真為生死營福營福 未 知 生死大苦火燒眉 毛且圖 眼下。 ·殊不. 知。 少艱。 無始。

法[。] 席。 欲 幸 生 稱。 白 友 毫意 愁。 超 於 脱 祖、 所 適 蓋 人莫向無愁説説與無愁總 生脱 出 逼、 **爪上土失人身者如大地** 閩 犯大妄語誓不敢攝受徒衆登壇傳戒邇來并誓不應叢林請開 皺、 死 見真不用 生死 之南 生死 功用 法門某自實未曾超生脱死 誠不肯自欺自誤 死第一不得意 大事 未純流 法 適燕之北。 頗 知真正 尚 點氣魄真不為一些名利只因藏身不密為一二 未了當言之可羞思之可痛所以平生誓不敢稱證 布 路 太 路頭、 故也。 見卜度第二不得氣魄承當第三不得雜 早遂致三十年 頭 錯 故 不。 不妨與諸仁者平 愈趨愈遠此實言言血淚字字痛 今玄邃吳居士普為緇素特請 知耳諸仁者還知愁麼 口氣不來便向驢胎馬腹胡鑽 如 何可開示 來大為 人然既是 虚 實 名 商 所 誤。 同 量 佛言得 最 在 直 初一步 生 至 一於今髮 死 開 海 小小。 示 道 利。 中、 超

0 衆盲相牽入火坑故永明大師云無禪有淨土萬修萬人去有禪無淨土 動經千生百劫得出頭來知是幾時况末世邪師説法如恆河沙一盲引

念無常信願念佛求生淨土此生不向今生度更向何生度此身珍重 十人九錯路我憨翁大師又云今時若有禪無淨奚止十人九錯敢保 箇錯在此皆深慈大悲真語實語伏願諸仁者莫墮狂野覆轍直須痛

偶錄

緩而且廢乘雖名急而實緩甚非古人料揀之心也 發慧急戒 乘緩戒墮惡道而方昇何如乘戒俱急常近佛而無遇又因戒 略或日古人取乘急戒緩何居答日緩之云非無也且豪傑之士與其急 即急乘之階梯若藉經教為名利本托話頭為優免牌戒不 生定因定

屑答也嗚 予居徑山始受一食法有禪者曰定共戒道共戒是務兹在所緩矣予不 乎。 儱 侗瞞 肝、 病 通 斯 世。 解文識義能復幾 人若在

Q 院不 參禪、 奪戒道奪戒共之一字云何通 得 眩 因 罪宣 色俳演承迎趨走也雖然以世法圖利事雖卑無大過也讀書規富 地不真果招紆曲何謂也方受戒志為律師矣方聽經志為 為 志為宗師矣不為律師法師宗師無所用其受戒聽教參彈也 瞡 尼矣佛法博虚名玷 施、 無用經懺俗儒 污 不為作宦無用舉業娼優隸卒不 正教矣。 所緩應云定 法師矣。 為 利、 無 猶 用 應 方

0 予寓 難 與俗 和 尚做 龍 人言也。 居有老 不成謂不成和尚法故謂無所取於為和尚故噫可為知者道、 僧看寶積 《經云若》 先看 此 經、 和 尚 做 不成予日若 不 看

此

Q 去也今龍影尚無睛何處點 花 拈於三藏既説之後達磨來自佛法盛行之時龍畫就 點 睛 則

@ 惟恐不勤持誦禮拜勝業也惟恐不惰三聚淨戒出世正因也深厭煩瑣 事、 百年活計生死根本也常虞缺略為佛法慢幢高起求貨利體面頓忘 至 予遊歷諸山備覽 與道無妨律檢教門有違向上嘻吾不知其所趣矣 同 語也謂出某經論則棄如怨敵謂出某語錄則愛如珍寶世緣 人情物態顛倒最多猝難悉舉且如飲食衣服塵勞也

佛。 利 或問予汝何願願生西方更何願願入地獄日是何心哉曰西方則上事 不見己短愚也見而護愚之愚也不見人長惡也見而掩惡之惡也 關 法鳴 不破得失驚之名關不破毀譽動之既為得失毀譽所轉猶以禪

語云真人前説不得假今也假人前説不得真悲夫 佛。 地獄則下度衆生佛從彌陀始願王勝故生從地獄始悲心切故

古人自牧愈卑品愈高今人自視愈高品愈卑古人自處愈小道愈大今 小人以己之過為人之過每怨天而尤。君子以人之過為己之過每反 不揣其本而齊其素 自視愈大道愈小古人自考愈歉德愈完今人自恃愈完德愈歉是謂

之九為名者十之一為己生死發二乘心者百千中一為大地衆生發無 住云何分正像正像之分全在人耳嗚呼時丁末季 度應斷已分事故衆生修惡即 所感非關他事故惡境紛紛皆唯識所現虚幻不實故衆生煩惱無量 躬而責己夫不謂人過謂己過有四觀焉眼見惡色耳聞惡聲等皆自業 是性惡衆生性惡 即 去聖時遙為利者十 已性惡故法性 本 應

Q

安特耶 上心者萬萬中一此止就禪和料簡耳應院及俗人又不必言矣佛法將

菩提故出家三為修行基本故受戒四為修行門路故聽經五為了生死 判然同為因地不真壞法門一也何謂六興相一為生死故出家二 法門有七壞相六興相何謂七壞相一懼命夭知命孤以家貧故令出家 <u>飛五好名故聽經六藏拙故參禪七好名故參禪七種雖高低不等優劣</u> 故參禪六為得種智故參禪六種雖大小不等偏圓有殊同為因地真正 避難無聊激氣求安樂故自出家三求清高故自出家四以好名故受 為

法門耳。

能。

不入於邪或因地未真則痛自改悔速反真而無溺於偽庶幾自救亦救

興正法一也 噫凡吾同類尚自考之儻因地真幸善自保持俾終

正 而

0

其心念無錯亂謂依四念處行道也四念處慧佛法總關無念處慧著袈 五夏以前專精戒律專精者豈徒著衣持鉢而已律中第一 要務在常

處行道則持戒功德現能獲四沙門果乃至圓 十地 剋獲無難第二要務

裟如木頭幡禮拜如碓上下六度萬行皆同外道苦行無與真**修**若依念

在洞明二百五十戒開遮持犯之致否則二六時既掛比丘名當結無量 略下

罪言之駭聞思之喪膽

佛知佛見

圓教從名字初心便用佛知佛見修行豪傑丈夫具一切無明煩惱偏 任必先苦勞拂亂令動心忍性頑鐵不鍊不成鋼美玉不治不精瑩松柏、 冰凌劍鋒上行非冰凌劍鋒不能鑄無明煩惱成菩提般若故也 天降

全剛怪歌

孙王一公

修 理則現前極惡逆事第一玄妙為第一明師良友若捨此等境界何法

遺放任忠

可悟可頓耶兄平日學問大率向語言文字上著眼不向義理上體會

躬行處較勘轉得此關棙子方是大乘淨土因也

毫傑立身決以破我法二執為準的我執不破定不能作千古至人法執

千古至人 不破定不能弘如來正法才魄横一世者須開千古眼界成千古學識方

0

興隆幻事皆屬普賢行門稍涉世間名利心佛法止成世法深可悲也

寄徹因比丘者吾望公甚高勿自卑甚遠勿自近甚廣勿自狹甚大勿自小甚已下二書皆囑

33

法門不衰於無外護衰於無內守主持法門先盤星立正然後隨時隨

不負己靈否則僅同春草之榮終非松柏之幹

楊如末三路被法執弘

0

進此道者夫小小境緣便成事障因平日無分毫契心恰意處耳果達妙

歷歲寒不挺秀孤臣孽子不厲熏不達豈有粥飯習氣煖輭形態可坐

不

密。 等 之十德鮮克砥其頹波勉之哉 教 萬 問莫作趨時學問第四須和光同塵幸勿矜異 小小。 大不染名利謂之尊不輕去就謂之重始終一 聖賢 授傳法師皆有父子之誼改法名是蔑剃度師也傷理背情無道之甚 諸 心觀為主 勿自褻甚重勿自輕甚穩勿自浮甚密勿自疎甚微勿自陋 勿妄想出 理盡 小 門詳 自期謂 乘經然後及餘 |性謂之微開佛知見謂之妙嗚呼律門衰敗大法並危 t解次律藏 |看教為助第二須專求已過勿責 頭惟真操實履了當生死不得為 之高無數塵劫謂之遠徧周 經論 五百卷并大乘律五十卷次止觀輔 或急 於修證唯律藏不可不閱餘皆隨 第一須依念處行道。 刹 致謂之穩。 人改法名。 海謂 人非第三須作出 欲看教典且完 之廣超 隨 文人觀觸 剃 精察力行謂 行、 權 度 次阿 甚妙勿自 越 師 玄籤次 不具前 與受戒 小謂 生 '含經 事 死

真實 媚權 重必 到 多受依止教訓不周必有壞法之咎切忌餽送白衣等事切忌無恥喪心 至此肝腸寸裂所有 近時叢林套子亡比丘物依律分與現前僧切 以克荷之勿為最後斷佛種人使我抱憾千秋至囑至囑遠隔三千里未 不能枚舉總以律為指歸則無過矣不聽吾言非吾弟也 來 人家念經拜懺漸成應赴即檀越 貴 《戒者在後坐不聞先取名者為師兄後取名者 知識 以 比丘寥寥無幾不知何日五比丘如法同住一展吾外護初心 成法為 須 (如達· 不聞有法派之説奈何末世 大師家風若不能寧死不出頭不得多收徒衆多畜 輕叔伯弟姪儼然與俗無異。 不。 如。 線。 一脈僅寄足下萬萬珍重愛護養德充學 到 山門作福須示以佛法尊重莫 以此為親吾聞先受戒者在前坐 可羞可恥所宜痛戒 不可 「為師弟[®] 學估唱 陋 既 習其餘諸 以 不得曲 法 沙彌 派 如

0 (0) 審作 想代衆生受苦想正不以不如人為愧也 皆賴有病境耳願寬心耐意安忍無厭作隨緣消舊業想轉重令輕受 病 是吾輩良藥消盡塵寰妄想覷破此 何用心苟不能念念與妙觀相應則失聞熏琢磨之益多矣 身虚幻深明苦空無常無我

可動 身病易治心病難遣古云克己須從性偏難克處克將去慈雲大師亦 行人各有無始惡習速求捨離當自觀察何習偏 勿使行法唐喪其功夫惡習豈惟殺盗媱妄而己二六時中四威儀內苟 人念頭者最能折福損壽也 重、 | 訶棄 調停取令平復

0

險縱身心: 之| 氣 眼。 除 覷。 習氣不除學問何益 破平日晏安粥飯習氣一力放 不得而業運臨 世 界情見放 頭何處保得晏安粥飯如意 不下而· 身心世 明師良友受惡辣鉗鐘徒覓幾部好 下。 便 向[°] 界未嘗 刀山劍。 不是空華縱晏安粥飯 千經萬論皆磨確 樹。 遊。 戲出没有 何 佛。 習

法 静° 祖。 哉。 静。 佛 祖。 閑坐燒香啜茗而披閱 可。 如。 此悠悠而得善財常啼真千古極拙人矣何為 不能 之此措 親 大 學 問 尚 不 可 為 世 間 華嚴般若 聖 賢、 况。 佛。

之榜樣也

天爵以邀-略上 大丈夫出家 人爵終必亡而已矣 不。 拌二言 生。 埋。 頭徹底輒希十年二十年後弘教揚宗

論

檢量 皆 義。 能 因、 有 通。 至 昏 非 迷 台宗公午前進食表方便道猶似有法可得 全 飲 依 於 時 正 辨其利益。 と
失智慧種へ 大道出 法 食戒 飲食 斷。 食 欲 常食養身有何 然設得時食尚作曠野食子 乃 申齋法之要 (而得存活) 斷生死緣經云一 十大益論 生 生死。 死 第 今原 食 法。 衆 增 所謂 過咎。 如 以 生 上緣也均 來立 要津・ 軌 肉 段食 行 而 斷 客 切衆 非時食戒 也。 制 問 人時哉問也夫齋法是十方三世諸佛弟子 大 慈悲是 觸 愚 本意盡善盡美 杜多子日吾聞殺盗媱妄名為 為五欲 食 生皆 夫 肉想何容 思食識 逐 因媱 逐 如 以 新攝特資: 此 如 口 欲 嚴 禽 腹、 來 何能殫述 恣意 過中不食表除 由 而 甘 耶。 制 正性命 為 此 戒、 願 飲食之人 於非時 觀 此 七 聞 之媱 衆 毒 其記 身借、 略 同 又云三界衆 耶 遵。 欲 而 中道 之修道 性罪、 固 舉之大益 既 杜 固 表 畏 多子 生 無 中。 惑 死 此 飲 道 生 酒

2

Ξ

無所需 餓四道業尊崇趙州云二時粥飯 身少病脾主信數數食最能傷脾故玄門 及即同外灣 此之理觀全托事境儻麤戒尚不自持非同俗人夜猶飲食 道日啖一麻一麥之太過行不適 是雜 用 心處二時已雜况 以 戒 晚食為養生善術豈 中妙理 何由契會 \equiv 一四耶儒 放縱 名

忍

身心 助 飲食之人則人賤之今恪守齋法專精辦道道業自隆 火助氣增長媱心今寂 輕利取定不難七出生智慧晚餐助昏蓋今清淨惺寂 如法作厭離想即能斷三界惑八離鬼畜業畜生午後食鬼夜 爾清淨戒體堅牢六堪能修定斷其雜 五堅固戒品晚 不障觀 食 亂 食 又

7

L

謂 食不持齋法鬼畜無異牽 於 午後惟晏坐修道能令僧俗皆安十不擾行人今時叢林晚餐廚人惟事 長乞食者設午後更復持鉢則終日但 四 種 食、 人 《其類持此齋法遠離二 見沙門往還 趣生緣九不惱檀信。 必令 施 主 生慘

九

漿七日藥以濟之斷無以晚食為藥石之理也願高明者深信而力行之 。 因緣况沙彌比丘可無慚無愧非時受食耶設有病苦因緣佛自立非時 出。 炊爨終身碌碌不異傭□齋法若明則無此煩擾共修道業 世、 一必立此制乃至在家居士猶令於月六齋日受八關齋法以種 是以諸佛 永。

緣起

退戒緣起并囑語 念生死事大父未葬母不養決志出家時紫柏尊者已寂園中雲棲老人 某生於萬曆已亥二十四歲壬戌為天啟二年痛

亦遷安養憨山大師遠遊曹溪力不能往其餘知識非予 工夫將得力時必被障緣侵擾因思佛滅度後以戒為師然竟不知受 坐禪雙徑訪友天台念念趨向宗乘教律咸在所緩後因幾番逼拶每 所好 乃作務雲

趨 戒 春就古吳閱律藏四旬餘錄出事義要略一本此後仍一心參究宗乘矣 戒 伊 歸 戊辰春雪航檝公留住龍居再閱律藏一徧始成集要四本己已春送惺 法者是夏為二三友盡力講究不意或尋枝逐葉不知綱要或東扯西拽 書惺谷三月盡惺谷同如是昉公從金陵囘至龍居請季賢師為和尚新 谷壽公至博山薙髮無異禪師見而喜之即欲付梓予曰未可也是冬同 二十五歲癸亥臘月初八也甲子臘月二十一重到雲棲受菩薩戒乙 五雲苦到懇古德法師為阿闍棃向蓮池 事 如法不 法主為羯磨闍棃覺源法主為教授闍棃受比丘戒予三閱律始 一籌 何為如法何為不如法但以雲棲有學戒科遂從天台躡冰冒雪來 師結制龍居更閱律一 如法事彼學戒法固必無此理但見聞諸律堂亦 編訂成庚午正月初一然臂香刺舌血、 和尚像前頂受四分戒本此 並 無 處 知受 如

呼。

佛

法

下 衰、

斯

時

為 盛。

毗

尼

脈

不

絶

如

絲

教

道

禪宗

尤

為

混

濁6

予

數。

年。

殘

亦

決

供

心未能砥狂瀾於萬

師

義

法咸符聖教蓋不惟律部精髓亦禪教綱維由斯户可

僅成此書并問辯音義各二卷一

文

字

图

敢

升

人壇持大悲咒 難 所 望。 付 麗。 佛 以手 唐 久 深 像前然香十炷 住。 自慶快。 喪撫躬自責哀哉痛 留 解 書集要全帙謹付徹因 子 夏後結壇持大悲咒惺谷 心或頗欲留心身嬰重恙聽不 又病苦日增死將不 咒 願永作外護 十萬加被之然已發念退休越二年 夏持咒加被自恣 心恐混迹故鄉虚生浪死故決 奉 事 海 久。 追 如法 比丘。 以 思 此 比 出家 及半其餘緣衆無足責 法主指示令來學者。比丘名果海。為新伊 Fig. 百 書呈金臺 更然頂香六炷拈得菩薩 孰意 初志分毫 末 法 ·癸 酉、 運決 主、 仍涕 未 隨 付梓人 安居作 志行遁 酬數年 難挽 泣 者 回、 而 畢 苦 次 囑 八 正 藲 此 法 沙 心 嗚 彌

42

福根末極 缺非難才 智慧之湯

入室執斯 貫 源委且福相未純智慧力薄缺於辯才短於學問豈能即弘傳斯道 鏡 可照膽辨邪惜公根性稍鈍僅知開遮持犯條目未達三學

退心縱未頓改舊觀番番略有進益有人如法受具未肯細 但念公之從予遊者五夏有三事足取焉幾番惡辣鉗錘難 心行持 堪難 忍、 惟公 絶 無

濟於顛 修戒 聽集要後輕重諸戒悉思躬行予癸酉甲戌匍匐苦患公獨盡 乘俱急 **流中毫無二心充** 虚其心實其志擴其眼界牢其脚跟。 此三善之致何必不可 荷擔 盡在我修持任外緣 正法。 但 心竭 須 解 力相

勿輕舉妄動貽羞法門儻煩惱未伏慧眼未開辯才未具學問 未

縱有福運須力卻之况作意邀求耶苦身形堅願 以 (寧供塔廟尊像中慎莫授非人也天定能勝人人定亦能勝)子運無 律 藏 為 法身 父母。 臨 深 履薄、 守 兹 一脈儻遇英哲當 力依念處 殷 重 付 而 精 囑 進行 之。 無 其。

此思此 數苦思發無數弘願用無數心力不能使五比丘如法同住此天定也然 可稱人定乎始終不忘吾囑千里同風否則塵劫永隔矣勉哉。 願此心此力豈遂唐捐公若善繼吾志敬守之以竢後賢庶幾亦

序

歲夏為壽昉檝三友 法主梓於皐亭之佛日寺是冬在靈峯僅講七卷次夏方續完聽者十餘 餘紙次夏第二閱律錄成四册次冬第三閱律成六册計十八卷三十二 次年受菩薩戒於和尚塔前二十七歲春閱律一 戌五月七日薙髮出家是為二十四歲次臘受具戒於雲棲和尚像前又 重治毗尼事義集要自序 助師雪航**機**師, 細講一遍添初後二集共八冊次年金臺 予生於萬曆已亥五月初三日亥時 **徧錄出事義要略僅百** 至壬

題跋 切庶鈍根者亦不致望洋也 辯音義二書至今未梓不若會人集要而重治之兼削一二繁蕪以歸簡 學律者十餘人迫予重講因念向所輯雖諸長並採猶未一一折衷 毗尼之學真不啻滯貨矣五十一歲冬從金陵歸卧靈峯次夏乃有發心 留 十 五六人惟自觀僧聚二比丘能力行之三十八歲入九華四十歲 ·四 歲 [心者惟徹因自觀及緣幻大德耳次冬在吳門幻住菴又講一過聽者 惟徹因比丘能力行之次夏在金庭西小湖寺徹講一 至苕城從此十三四年無有問者徹因自觀僧聚三人又皆物故 頭陀以抖擻塵勞為義具十二法迦葉尊者終身 **徧聽者九人能** 人閩。 又問

四

刻

十二頭陀經跋

興正法不日可望耳 諸賢 戒 大礙行跋 為 達、 何事、 世尊謂正法住世全賴此人迨兹末運妄以鬚髮當之尚不 想亦當爾重錄梓行伏願見聞隨喜者發增上心少多奉持庶重 矧頭陀法耶予雖根劣僅持一二然一 三昧念佛直指 佛 祖 聖賢未有不以逆境為大爐鞲者佛 番展讀 輒。 番。 知 愧。

精鐘 腐 四 而已安能如松柏之亭亭霜雪間哉美玉不琢不成器頑金不煅不致 聖諦苦諦居初又稱八苦為八師苟稍存喜順惡逆之情終與夏草同 不擊不鳴刀不磨不利豈有天 生彌勒自然釋迦 欲 為 聖 賢 (佛 祖\

植 受惡駡如飲甘露遇横逆如獲至寶 淨土因方如蓮出淤泥超登不退儻無事 方名素患難行乎 則駕言念佛求生淨土一遇 患難方 미 於 穢

輒悔愠咨嗟吾恐三昧不成生西未保須於此十大礙行一一

自

0

不如意

比

丘

感。

例

驗果於病時難時乃至被抑時唯增念佛心明苦空觀不尤不怨庶蓮萼、 日滋稱三昧寶王矣

聞 為 然緇素咸敬憚之年二十七忽發出世心盟月臺心默師及惺谷何居 之開元寺禮湛然精舍肖滿全公為師薙髮後喜詩文不理錢穀氣節昂 不著席者三年異師愍其勤恐致病説調琴喻勸之稍稍晏息終不解 誦帚師往生傳 生死交朝夕參究大事忘形破格風雨寒暑弗替也時温陵佛法久荒 熏乏種師獨與惺谷鼓舞數人謁博山無異禪師受具戒苦參無字脅 師諱宏思一字如是晉江溜澚人族姓陳髫年入郡

師志遠犬縱有省悟不自足亦不輕舉似人同輩視師若木訥師固是非

要次 疑 浴 踏 緇 源 最 明 掩 他 也 畢端 深、 角 冰雪尋予九子峯頂未幾全公變厥孫泣挽囘泉乃訂予續 素 新 關 (年惺谷師) ·猶棄敝屣師棄敝屣猶天下也師愀然曰某非故作慳態愧薄德 師生平 計。 始 伊二法師為阿闍棃次惺谷進比丘戒兼進菩薩大戒結夏聽予律 欲 虎 洞 推 之訓遂神棲安養期 如秦鏡矣離博山游浙直習教觀於幽谿鑒末世暗證之失遵永 坐 逮 知 舉手 予 為 有 踐約、 先臘且博山受戒不 自奉甚約破衫補履數十年 如 來正戒 西逝。 而逝。 未 及 正念分明神清氣定越二時 師 師自視 以全公年邁歸 載。 以萬 師遂示疾。 飲然惟 善 如法遂捨前所授禮季賢 同歸迨惺谷薙 召予 明師 侍創八關 如 二 日: 助其念佛命侍者除髮浴 良友是念越五載復 頂鸋 社接 予嘗笑謂 草師 尚煖托質 引 居 以受惺谷 10 之日、 師 從 為 至紫雲作 逃 舜視 蓮 和 此 江 尚覺 蕊 教 温 無 陵

害善法。 月忽 雲開 時花競自吐霜中一段香 夏自度固 得。 堪。 此 假 誠 消。 也。 師 焚之嘗 以數年 受檀信耳甘淡薄忍疲勞精勤禪誦 猶憶 侍 士傳已得八十人今當續稱第八十一一 在 有古人風至於親信師友受惡辣鉗 者錄 如劍。 掩關專修淨業又號藏六比丘其道昉 已有餘 其詠 ·斯人里一切有部律 · 此偈出根本說: 成帙、 取 近 律 菊 可 :中一偈銘諸座右偈旦名譽及利養愚人所愛樂能 予戲 匹休異巖遠 絶句云籬菊數莖隨上下無心整理任他黄 利 他功 題為老婆禪更有 未及半 此 可窺其概矣師自 可 師 未嘗 痛哉與士夫往復 追踪斷崖惜乎生年僅五十戒 不 液寐夙 與鄉 偈 錘、 [頌詩詠: 如 飲甘露 謂 紳賢達 諱則異師所命也按紫 興。 神 ·根稍鈍、 必隨 數 雖 交、 十首、 於古人中亦不多 劇 病臨 其病 而 1未示 晩稱 心 後先不 危、 渴、 固 疾前 臘甫 覷 飲 亦 誦 以苦 帚 破 道 與。 損· 懈 如

者哉世縱方 勢權 某能 情 溇 宿 祭顓愚大師爪髮衣鉢塔文 而 事 適意如翁破衫草履茅茨土階者有幾當今知識罕不精選侍從前 識、 如 賣。 略 令生驚詫 擬。 翁、 狗脂甘淡薄受枯寂不肯受叢席桎梏而掣其羈縻嗚 位 無 違 相 而 而旭過蒙知愛又志! 有 一点 尚質樸 計虚文不肯 奇合時 宜註 依 生平最傾 倚。 一二愛且 如翁古道自 如翁平實穩當者有幾當今知識罕不侈 心處請 知者、 而志 愛者有幾當今知識罕不以掠 略 操相合如此其能已於懷也翁 紀之當今知識罕不以名 操 嗚 相 呼人不難相愛難於相 攜。 某雖 經論讚戒 不 敢 擬翁泰山之德幸三 律、 服 相 不。 所證 呼。 飾據 虚 牽、 知。 肯。 翁 伎 利 以 華堂恣 懸羊。 深淺、 法 倆、 相 真 門耆 籠 餌、 知 列 非 頭。

必有聞而興起者庶共砥狂瀾於末葉乎 子 道聽塗説入耳出口之夫再壞於色厲內荏羊質虎皮之徒其父報讎、 枉尋直尺詭遇一朝者身雖存名已先淪也哉某每悲如來正法一壞 之風者頑夫廉而不濫懦夫立而不傾伯夷之隘所以為聖之清也豈 權 後 隨。 必且 方便慈悲順俗如翁不肯苟殉諸方甘受擔板之誚者有幾故 如翁躬自作役不圖安享者有幾當今知識罕不同流合污自謂善如翁躬自作役不圖安享者有幾當今知識罕不同流合污自謂善 行勃尤而效之何所不至翁之爪髮衣鉢幸存則翁之道風未滅。 凡聞翁 似 其

銘

日廣大以切磋之誼取友則學問日精以慎重之行利生則道風日遠故 德林座右銘 以 冰霜之操自勵則品 日清高 以穹窿之量容 則

愈

忠以行己恕以及物又曰修其天爵而人爵從之

淨社銘 持戒為本淨土為歸觀心為要善友為依

之惡視己之惡猶人之惡猛省力除無令愧怍法界衆生三毒除彼 同觀亙古無間法界偕遊四德城方滿最初宏誓願 四 無量心銘三喜四捨 通, 視人之善猶己之善視己之善猶人之善念念 視人之惡猶己 我 同

永卻法界同欣法喜充不向偏空尋略的 歸 無上覺 視人之樂猶己之樂視己之樂猶人之樂所欲與共嫉 拾 善惡性具善惡性空何喜 妒

妙嚴 何怒如空御風默持機感妙應無窮大圓鏡智照不疲豈似權乘作意通。 室銘 忘麤斯妙不飾斯嚴慎爾幽獨自牧以謙干將匪利口斧

誠銛君子自返慧日普瞻。

52

四念溪野

夏先慈捐世賦四念處以寫哀一觀身不淨二觀受是苦

恩愛迷情四大緣生妄有身膿血交相潤臭穢常無盡饒你會莊矜畫 丙寅季

攬前塵作所依業感原無意苦樂隨因異苦果實堪悲酸辛難比世樂雖 盛糞一旦神離不復堪親近切莫把未爛骷髏認作真 迷卻真常緣氣紛 妄想驅馳吸

腔離彼前塵相分别成何狀饒你會思量終歸罔象。 榮享盡愁還 室切莫把五欲塵勞枉自迷 。

紜

原長

切莫把流注心機作主張 藏性周圓循業隨心法法全和合因緣可視為 過未無踪現在

五心念震

往。

二受念處

舛戲論須排遣外道枉糾纏盲無慧眼妙有真空覓我同陽**燄**切莫把十

界依他作本然

四法念屬

水丛 篇 人名香山

天半世孤燈歎多生緩戒愆幸逢鍼芥合感泣淚如泉 欣交集慨然有俗 毘尼久為腐貨仍過而問焉不啻冷灰豆爆矣安居竟重拈自恣芳規悲 庚寅自恣二偈 序 卧北天目萬慮灰冷有同志數人以毘尼相叩夫 秉志慵隨俗期心企昔賢擬將凡地覺直補涅槃

誰將一線傳不明念處慧徒誦木叉篇十子哀先逝諸英喜復聯四弘久

正法衰如許

題取好詩 義學三藏 有誓莫替馬鳴肩

後者安知前者難 宋齊梁陳唐代向 高順求法難長安 路差磨天惟珍绪 沙漠城日力被禪 老人成真歸極十

後賢如未請斯旨

往往棒經常易看

願以此功德 莊嚴佛淨土

若有見聞者 上報四重恩 悉發菩提心 下濟三塗苦

> 蓮因寺大專學生齋戒學會恭印 一名寓盖大师警刊表録

南投縣水里鄉頂崁村陽明路七巷五號

三十二年於居以林对面佛學書局和同 1.5 10 作 @

のてい年一日、せんかれ時

二共で

中華民國一百年觀世音菩薩出家日再版恭印 中華民國八十二年正月中旬恭印 八七里在近十八日在水里十月十月十八日於水里七十月二十八日於水里七 八十三年松中堰 十百万松北春 再次茶肉

盡此一

報身

同生極樂國